



UNIVERSITÄTS-  
BIBLIOTHEK  
PADERBORN

**R.P. Petri Leurenii Societatis Jesu, SS. Theologiæ  
Doctoris, & SS. Canonum Professoris Vicarius Episcopalis,  
Sive Tractatus Quaternarius Per Quæstiones & Responsa  
Canonica Deductus**

**Leuren, Peter**

**Coloniae Agrippinae, 1708**

325. Effectus Coadiutoriæ quinam sint.

---

[urn:nbn:de:hbz:466:1-74203](https://nbn-resolving.org/urn:nbn:de:hbz:466:1-74203)

penfatum fit. Similiter, si post obtentam Coadjutoriam Coadjutor assequatur beneficium tale cum ea incompatibile, expirat Coadjutoria; & non potest vi illius in beneficio Coadjuti succedere. Garcias, Tondutus, Castropalao *ll. cit.* Unde jam etiam in Bulla Coadjutoriali debent sub pœna nullitatis exprimi alia beneficia, quæ Coadjutor habet, & vicissim in aliis provisionibus aliorum beneficiorum exprimenda est Coadjutoria. Remouch. *loc. cit. n. 36.* citans Barbof. ad Trident. *sess. 25. c. 7. n. 41.* de quo infra pluribus. Ad rationem verò illam in contrarium adductam ex Gonz. dicit Garc. *loc. c. n. 57.* illam deservituram & residendam Coadjutoris esse præcisam, & illum ad eam compelli posse; quia ipse se obligavit & consensit tali obligationi. Sed de onere residendi & deservendi Coadjutoris infra. Quæ contra hæc obmoveri possent ex non vacatione beneficii propter assecutionem alterius incompatibilis, quamdiu istius primi adepti non est realis & fructuosa possessio; hæc inquam, vide soluta inferius, ubi de expiratione Coadjutoria.

*Questio 322. An Coadjutoria pariat privilegium fori?*

**R**espond. Coadjutor carens omni beneficio, & solum etiam primam tonsuram habens, gaudet privilegio fori, modò habitum & tonsuram clericalem deferat, & intersit ecclesiæ (uti hæc requirit Trident. *sess. 23. c. 6.* ad hoc, ut clerici in minoribus solum constituti, nullum beneficium Ecclesiasticum habentes fruatur privilegio fori. Cardin. de Luca ad Trident. d. 24. n. 11.) Garc. p. 4. c. 5. n. 97. & 98. Barbof. de can. & dignit. c. 29. n. 42. citans plures alios, Castrop. *tract. 13. d. 1. p. 10. n. 21.* Remouch. *cit. c. 12. n. 33.* Cardin. de Luca *loc. cit. n. 15.* Coadjutoria enim ad hunc effectum æquipollent beneficio. Carol. de Luca ad Ventrigl. *annot. 13. tom. 2. n. 2.* & Coadjutor receptus ad administrationem dicitur filius Ecclesiæ titularus. Remouch. *cit. c. 12. n. 37.* Secus tamen est & non gaudebit privilegio fori, si non intersit Ecclesiæ; quia Coadjutoria non est beneficium ecclesiasticum. Garc. *loc. cit.*

*Questio 323. Coadjutoria num pariat affectionem: sive an, si premoriatur Coadjutor, beneficium remaneat affectum Papa, quò minus ab Ordinario aliàs illius collatore provideri nequeat, Coadjuto moriente in mense Ordinarii.*

**R**espondet negativè Lotter. l. 2. q. 25. n. 31. (et si n. 33. dicat, per concessionem Coadjutoria intrate reservationem seu affectionem ad favorem Coadjutoris) Ventrigl. *tom. 2. annot. 3. n. 55.* citantes pro hoc Garciam p. 5. c. 1. n. 174. ubi tamen is potius inclinatur in contrarium cum Pureo, quem citat *decis. 226. n. 14. l. 3.* & expressè addit: *idem videtur* (nempe quòd ex datione Coadjutoria nascatur affectio) quando Coadjutoria esset subreptitia seu invalida, & sic non haberet locum futura successio, quæ est accessoria ad Coadjutoriam. pro quo etiam citat Mandos. de signat. *grat. tit. de Coadjut. vers. Coadjutoria habebat.* & Put. *decis. 98. l. 2.* contra Carol. de Luca ad Ventrigl. *loc. cit. n. 5.* Tondutum *qq. benef. p. 2. c. 3. §. 1. n. 7.* ubi expressè: *per deputationem Coadjutoris cum futura successione affectio beneficii inducitur, quamvis*

Coadjutor decederet, antequam Coadjutor literas intromasset, vel Coadjutoris officium exercere cepisset; tunc enim ex tali manus appositione beneficium ita censetur affectum, ut illud nullus inferior conferre possit. citat pro hoc Rotam. *decis. 570. n. 2. p. 1. recent.* & in ea plures pro hac sententia allegari ait, vide à nobis dicta supra. *quest. 313.*

*Questio 324. Quale jus Coadjutoria conferat Coadjutori?*

**R**espond. præter plura sparsa de hoc in antecedentibus, Coadjutori vivente Coadjuto per Coadjutoriam jus nullum quaritur in beneficio, respectu cuius est Coadjutor, neque respectu tituli, sed tantum jus quoddam noviter creatum circa facultatem coadjuvandi; & ipsum simplex officium penitus à beneficio distinctum, nec quidpiam aliud aut obtinere aut possidere ex propria persona censetur. Lotterius l. 2. q. 25. n. 30. sic quoque ait Tondutus. p. 3. c. 194. n. 2. ait: Coadjutor in vita Coadjuti non habet in Episcopatu jus in re, sed solum jus ad rem, quod jus ad rem licet sit considerabile quòdam dispositiones facientes mentionem de jure quæsito non tollendo, ut Gonz. *gl. 5. §. 9. n. 79.* non tamen est tale jus, quòd operetur, ut beneficium dicatur spectare ad Coadjutorem. & n. 3. subdit: Coadjutor quidem habet jus in officio Coadjutoris, sed non in beneficio. Fagn. *inc. ex parte. de cler. agrot. n. 6.* ubi: per hujusmodi gratiam præventivam acquiritur Coadjutori in beneficio jus ad rem, quòd eventiente vacatione per obitum Coadjuti efficitur jus plenum, adeo, ut non requiratur pro Coadjutore nova collatio, sed absque aliquo ministerio gratia Coadjutoria ex primo jure sibi concessa effectum sortiatur; cum Papa in istis Coadjutoris ex nunc pro ut ex tunc faciat collationem juxta decisionem Rotæ in Tirason. *Coadjutoria 8. Novemb. 1599. coram Penia.* quam verborum recitat Garcias p. 4. c. 5. n. 138. Plus aliquid velle dicere videtur Remouch. etiam quòd ad rem ipsam plus non dicat, c. 12. d. n. 2. ubi ait: quidam etiam Coadjutoria talis conferat jus in re, si effectus consideretur. Cum enim ratio, cur præsentatio, electio, &c. dent jus dumtaxat ad rem, in eo consistit, quòd procedant à personis inhabilibus vel non constitutis in dignitate; seu quibus non competit facultas conferendæ canonice institutionis; uti &, quòd post ejusmodi actum desideretur alius actus, nempe institutio, confirmatio; gratia autem Coadjutorialis procedat à Papa, penes quem stat plenitudo juris can. nec sit opus ulla alia provisione post obitum Coadjuti, videtur acquiri Coadjutori jus in re. Ac denique n. 4. addit: quidquid sit, licet non producat jus in re verum seu propriè, propter particulas: *ex nunc pro ut ex tunc;* certum tamen est producere titulum præventivum seu habituales & initiales, proindeque jus in re fictum operatum plenos effectus demum per cessum vel decessum Prælati, & sic videatur beneficium ecclesiasticum secundum quid.

*Questio 325. Effectus alii Coadjutoria quinam sicut?*

**R**espond. Ceterorum effectuum, quos parit Coadjutoria, nomine venire possunt, Coadjutoris obligatio, potestas, jurisdictio, præminentia, jura aliæve emolumenta, de quorum singulis sub specialibus titulis in sequentibus,